

漢魏六朝百三家集

晉

郭宏農

第四十三冊

EAST ASIAN LIBRARY  
RM 8049 ROBARTS LIBRARY  
UNIVERSITY OF TORONTO  
TORONTO, CANADA M5S 1A5

V. 43







晉郭弘農集卷之二

白紵

晉 河東郭璞 著

六涼長對小天

明 太倉張溥 閱

南山經圖讚

桂王

桂生南裔拔萃岑嶺廣莫熙葩凌霜津頽氣王

百藥森然雲挺

逃穀

爰有奇樹產自招搖厥華流光上映垂霄佩之

郭弘農集

卷二

讚

一



不惑潛有靈標

狴狴

狴狴似猴走立行伏權木挺力少辛明目蜚廉  
迅足豈食斯肉

水玉

水玉沐浴潛映洞淵赤松是服靈蛻乘煙吐納  
六氣昇降九天

白猿

白猿肆巧繇基撫弓應眇而號神有先中數如



循環其妙無窮

鹿蜀

鹿蜀之獸馬質虎文攘此吟鳴矯足騰羣佩其  
皮毛子孫如雲

鱧

魚號曰鱧處不在水厥狀如牛鳥翼蛇尾隨時  
隱見倚乎生死

類

類之爲獸一體兼二近取諸身用不假器窈窕



是佩。不知妬忌。

獐施

獐施似羊眼。反在背視之。則奇推之。無怪。若欲不恐。厥皮可佩。

祝荼草旋龜鵠鴈魚

祝荼嘉草。食之不饑。鳥首蛇尾。其名旋龜鵠鴈。六足三翅。竝輦。

灌灌鳥赤鰐

厥聲如訶。厥形如鳩。佩之辨惑。出自青邱赤鰐。



之物魚身人頭。半質魚頭。折三公。良耳。出楚星。

鵜鳥

彗星橫天。鯨魚死浪。鵜鳴於邑。賢士見放。厥理至微。言之無況。

猾褻

猾褻之獸。見則興役。膺政而出。匪亂不適。天下有道。幽形匿跡。

長右彘

長右四耳。厥狀如猴。實爲水祥。見則橫流。彘虎。



其身厥尾如牛

會稽山

禹徂會稽爰朝羣臣不虔是討乃戮長人玉璽  
表夏立石勒秦

患韃

有獸無口其名曰患害氣不八厥體無間至理  
之盡出乎自然

犀

犀頭如猪形兼牛質角則併三分身互出鼓鼻



生風壯氣隘溢

兕

兕推壯獸，似牛青黑，力無不傾，自焚以革皮充武備，角助文德。

象

象實魁梧，體巨貌詭，肉兼十牛，目不踰豕，望頭如尾動，若邱徙。

纂雕瞿如鳥虎蛟

纂雕有角，聲若兒號，瞿如三手，厥狀似鵠魚身。



蛇尾是謂虎蛟

鳳

鳳皇靈鳥實冠羽羣八象其體五德其文羽翼  
來儀應我聖君

育隧谷

育隧之谷爰含凱風青陽旣謝氣應祝融炎雰  
是扇以散鬱隆

鰓魚鴈鳥

鴈鳥栖林鰓魚處淵俱爲旱徵災延普天測之



無象厥數推玄

白朮

白朮羣蘇其汁如飴食之辟穀味有餘滋逍遙  
忘勞生盡期

西山經圖讚

臧余

月氏之羊其類在野厥高六尺尾亦如馬何以  
審之事見爾雅

太華山



華嶽靈峻。削成四方。爰有神女。是挹玉漿。其誰  
遊之。龍駕雲裳。

肥遺蛇

肥遺爲物。與災合契。鼓翼陽山。以表亢厲。桑林  
旣禱。倏忽潛逝。

鳩渠赤鷺鳥文莖木鴟鳥

鳩渠已殃。赤鷺辟火。文莖愈聾。是則嘉果。鴟亦  
衛災。厥形惟麼。

流赭



沙則潛流。亦有運赭于以求鐵趨在其下。蠲牛之癘。作采于社。

豪彘

剛鬣之族號曰豪彘。毛如攢錐中。有激矢。厥體兼資。自爲牝牡。

黃萑草肥遺鳥囂獸

浴疾之草。厥子赭赤。肥遺似鶉。其肉已疫。囂獸長臂爲物。好擲。

索萑



有似人面一脚孤立性與時反冬出夏蟄帶其  
羽毛迅雷不八

桃枝

嶠家美竹厥號桃枝叢薄幽藹從容鬱猗簞以  
安寢杖以扶危

杜衡

徃徃犇人杜衡走馬理固須因體亦有假足駿  
在感安事御者。

菁容草邊谿獸櫟烏



有華無實，膏容之樹，邊谿類狗，皮厭妖蠱，黑文赤翁，鳥愈隱痔。

礬石

稟氣方殊，舛錯理微，礬石殺鼠，蠶食而肥。物性雖反，齊之一歸。

猧如

猧如之獸，鹿狀四角，馬足人手，其尾則白，貌兼三彰，攀木緣石。

鸚鵡



鸚鵡、慧鳥、青羽、赤喙、四指中分、行則以觜、自胎  
伊、籠見、幽坐趾

數斯鳥、擎獸、鸚鳥

數斯人脚、厥狀似鴟、擎獸大眼、有鳥名鸚、兩頭  
四足、翔若合飛

鸞鳥

鸞翔女牀、鳳出丹穴、拊翼相和、以應聖哲、擊石  
靡詠、韶音其絕

鳧、鴈、鳥、朱厭獸



鳧鴈朱厭見則有兵類異感同理不虛行推之  
自然厥數難明

蠻蠻

比翼之鳥似鳧青赤雖云一形氣同體隔延頸  
離鳥翻飛合翮

丹木玉膏

丹木煒燁沸沸玉膏黃軒是服遂攀龍豪眇然  
升遐下鳥號

瑾瑜玉



鍾山之寶、爰有玉華、光彩流映、氣如虹霞、君子  
是佩、象德閑邪、

鍾山之子鼓欽鵒

欽鵒及鼓、是殺祖江、帝乃戮之、崑崙之東、二子  
皆化、矯翼亦同、

鯀魚

見則邑穰、厥名曰鯀、經營二海、矯翼閒霄、唯味  
之奇、見歎伊庖、

神英招



槐江之山英招是主巡遊四海撫翼雲舞實惟  
帝囿有謂立圃

榑木

榑惟靈樹爰生若木重根增駕流光旁燭食之  
靈化榮名仙錄

崑崙邱

崑崙月精水之靈府惟帝下都西老之宇嶸然  
中峙號曰天柱

神陸吾



肩吾得一以處崑崙開明是對司帝之門吐納  
靈氣熊熊魂魂

土螻獸欽原鳥

土螻食人四角似羊欽原類蜂大如鴛鴦觸物  
則斃其銳難當

沙棠

安得沙棠制爲龍舟汎彼滄海眇然遐遊聊以  
逍遙任波去留

鶉鳥沙棠實蘋草



司帝百服其鳥名鶡沙棠之實惟果是珍爰有  
奇菜厥號曰蕢

神長乘

九德之氣是生長乘人狀豹尾其神則凝妙物  
自潛世無得稱

西王母

天帝之女蓬髮虎顏穆王執贄賦詩交歡韻外  
之事難以具言

積石



積石之中實生重河夏后是導石門湧波珍物  
斯備比奇崑阿

白帝少昊

少昊之帝號曰金天魄氏之宮亦在此山是司  
日入其景則圓

淨

章峩之山奇怪所宅有獸似豹厥色惟赤五星  
一角鳴如擊石

畢方



畢方赤文離精是炳旱則高翔鼓翼陽景集乃  
流災火不炎正

文貝

先民有作龜貝爲貨貴以文彩賈以小大簡則  
易資犯而不過

天狗

乾麻不長天狗不大厥質雖小禳災除害氣之  
相王在乎食帶

三青鳥



山名三危、青鳥所憩、往來崑崙、王母是隸、穆王  
西征、旋軫斯地、

江疑獬狔獸鸛鳥

江疑所居、風雲是潛、獸有獬狔、毛如披簑、鸛鳥  
一頭、厥身則兼、

神耆童

顓頊之子、嗣作火正、鏗鏘其鳴、聲如鐘磬、處于  
騶山、唯靈之盛、

帝江



質則混沌神則旁通自然靈照聽不以聰強爲  
之名曰惟帝江

獬豸鵠鵠鳥

鵠鵠三頭獬豸三尾俱禦不祥消凶辟昧君子  
服之不逢不遑

當扈

鳥飛以翼當扈則鬚廢多任少沛然有餘輪運  
於轂至用在無

白狼



矯矯白狼、有道則遊、應符變質、乃銜靈鉤、惟德、  
是適、出殷見周、

白虎

魁魍之虎、仁而有猛、其質載皓、其文載炳、應德、  
而擾止我交境、

駮

駮惟馬類、實畜之英、騰髦驤首、噓天雷、鳴氣無、  
不凌、吞虎辟兵、

神蜺蠻蠻髯遺魚



其音如吟一脚人面鼠身鼈頭厥號曰蠻目如馬耳食厭妖變

懷木

懷之爲木厥形似榧若能長服拔樹排山力則有之壽則宜然

鳥鼠同穴山

鵠鼯二蟲殊類同歸聚不以方或走或飛不然之然難以理推

鰲魼魚



形如覆鉢，包玉含珠，有而不積，泄以尾間，闇與道會，可謂奇魚。

丹木

爰有丹木，生彼滑盤，厥實如瓜，其味甘酸，蠲痼辟火，用奇桂蘭。

窮奇獸羸魚孰湖獸

窮奇如牛，蝟毛自表，濛水之羸，匪魚伊鳥，孰湖之獸，見人則抱。

鯢魚



物以感應亦不數動壯士挺劍氣激白虹鯀魚  
潛淵出則邑悚

北山經圖讚

水馬

馬寔龍精爰出水類渥洼之駿是靈是瑞昔在  
夏后亦有何駟

儵魚

涸和損平莫慘於憂詩詠萱草帶山則儵壑焉  
遺岱聊以盤遊



臙疏獸鵠鵠鳥何羅魚

厭火之獸厥名臙疏有鳥自化號曰鵠鵠一頭  
十身何羅之魚

孟槐

孟槐似貍其豪則赤列象畏獸凶邪是辟氣之  
相勝莫見其迹

鰐鰐魚

鼓翮一揮十翼翮翮厥鳴如鵠鱗在羽端是謂  
怪魚食之辟燔



橐駝

駝惟奇畜，肉鞍是被。迅驚流沙，顯功絕地。潛識  
泉源，微乎其智。

耳鼠

蹠實以足，排虛以羽。翹尾翻飛，奇哉耳鼠。厥皮  
惟良，百毒是禦。

幽頰

幽頰似猴，俾愚作智。觸物則笑，見人佯睡。好用  
小慧，終是嬰繫。



寓鳥孟極足訾獸

鼠而傅翼，厥聲如羊。孟極似豹，或倚無良。見人則呌號曰足訾。

鵙鳥

毛如雌雉，朋翔羣下。飛則籠日，集則蔽野。肉驗鍼石，不勞補寫。

諸犍獸白鵠竦斯鳥

諸犍善吒，行則銜尾。白鵠竦斯，厥狀如雉。見人則跳，頭文如繡。



磁石

磁石吸鐵，璊瑁取芥，氣有潛感，數亦冥會。物之相投，出乎意外。璊瑁一作琥珀

旄牛

牛充兵機，兼之者旄。冠于旌鼓，爲軍之標。匪肉致災，亦毛之招。

長蛇

長蛇百尋，厥鬣如彘。飛羣走類，靡不吞噬。極物之惡，盡毒之厲。



山獬

山獬之獸見人歡謔厥性善投行如矢激是惟  
氣精出則風作謔一作唬

寔寔諸懷獸鰾魚肥遺蛇

寔寔諸懷是則害人鰾之爲狀羊鱗黑文肥遺  
之蛇一頭兩身

魮魚

陽鑒動日土蛇致宵微哉魮魚食則不驕物在  
所感其用無標



狔鴝

狔鴝貪恠其目在腋食人未盡還自齧割圖形  
妙鼎是謂不若。

狔間驃馬獨裕

有獸如豹厥文惟縹間善躍嶮驃馬一角虎狀  
馬尾號曰獨裕

鶯鵲

禦喝之鳥厥名鶯鵲昏明是互晝隱夜覲物貴  
應用安事鶯鵲

郭弘農集

卷二

讚

七



居暨獸囂鳥三桑

居暨豚鳴如彙赤毛四翼一目其名曰囂三桑  
無枝厥樹唯高

驩獸

驩獸四角馬尾有距涉厯歸山騰嶮躍咀厥貌  
惟奇如是旋舞

天馬

龍馮雲遊騰蛇假霧未若天馬自然凌翥有理  
懸運天機潛御



鵯居

鵯居如鳥，青身黃足，食之不饑，可以碎穀，內厥  
唯珍配彼丹木。

飛鼠

或以尾翔，或以髯凌，飛鼠鼓翰，翛然皆騰，用無  
常所，惟神是馮。

鵯鵯象蛇鰕父魚

有鳥善驚，名曰鵯鵯，象蛇似雉，自生子孫，鰕父  
魚首厥體如豚。



酸與

景山有鳥，稟形殊類，厥狀如蛇，脚二翼四，見則  
邑恐，食之不醉。

鵠鵠黃鳥

鵠鵠之鳥，食之不睢，爰有黃鳥，其鳴自呌。婦人  
是服，矯情易操。

精衛

炎帝之女，化爲精衛，沈形東海，靈爽西邁。乃銜  
木石，以填波害。



辣辣羆九獸大蛇

辣辣似羊，眼在耳後，竅生尾上，號曰羆九。幽都之山，大蛇牛吻。

東山經圖讚

鰮鰮魚從從獸蜚鼠

魚號鰮鰮，如牛虎駮，從從之狀，似狗六脚，蜚鼠如雞，見則旱涸。

倏鰮

倏鰮蛇狀，振翼灑光，憑波騰逝，出入江湖，見則



歲旱是維火祥

猗猗

蚌則含珠獸胡不可猗猗如豚被褐懷禍患難

無繇招之自我

堪予魚幹幹獸

堪予幹幹殊氣同占見則洪水天下昏墊豈伊

妄降亦應牒識

珠蟹魚

澧水之鮮形如浮肺體兼三才以貨賈害厥用



既多何以自衛

狢狢

狢狢之獸見人佯眠與災協氣出則無年此豈能爲歸之於天

狸力獸鴛胡鳥

狸力鴛胡或飛或伏是惟土祥出與功築長城之役同集秦域

朱孺

朱孺無奇見則邑駭通感靡誠維數所在因事



而作未始無待

獾獾螻蛄獸絜鉤鳥

獾獾如狐有翼不飛九尾虎爪號曰螻蛄絜鉤  
似鳧見則民悲

嵒嵒

治在得賢亡由失人嵒嵒之來乃致狡賓歸之  
冥應誰見其津

螭龜

水圓四十潛源溢沸靈龜爰處掉尾養氣莊生



是感揮竿傲貴。

娑胡精精獸魠魠魚

娑胡之狀似麋魚眼精精如牛以尾自辨魠魠所潛厥深無限。

獨狙獸魋雀

獨狙狡獸魋雀惡鳥或狼其體或虎其爪安用甲兵擾之以道。

芭木

馬維剛駿塗之芭汁不勞孫陽自然閒習厥術



無方理有潛執

茈魚薄魚

有魚十身、麋蕪其臭、食之和體、氣不下溜、薄之躍淵、是維災候、

合羆

豬身人面、號曰合羆、厥性貪殘、物爲不咀、至陰之精、見則水雨、

當康獸鰐魚

當康如豚、見則歲穰、鰐魚鳥翼、飛乃流光、以出



殊應或災或祥

蜚

蜚則災獸、跂踵厲深、會所經涉、竭水槁林、稟氣自然、體此殃淫、

中山經圖讚

桃林

桃林之谷實惟塞野、武王克商、休牛風馬、阨越三塗、作嶮西夏、

鳴石



金石同類，潛響是韞。擊之雷駭，厥聲遠聞。苟以  
數通，氣無不運。

旋龜人魚修辟

聲如破木，號曰旋龜。修辟似鼃，厥鳴如鴟。人魚  
類，鯢出于洛伊。

帝臺棋

茫茫帝臺，維靈之貴。爰有石棋，五彩煥蔚。觴禱  
百神，以和天氣。

若華鳥酸草



療瘡之草，厥實如瓜，烏酸之葉，三成黃華，可以爲毒，不畏虺蛇。

蒿草

蒿草黃華，實如菟絲，君子是佩，人服媚之，帝女所化，其理難思。

山膏獸黃棘

山膏如豚，厥性好罵，黃棘是食，匪子匪化，雖無貞操，理同不嫁。

三足龜



造物維均。靡偏靡頗。少不爲短。長不爲多。賁能  
三足。何異黿鼉。

嘉榮

霆維天精。動心駭目。曷以禦之。嘉榮是服。所正  
者神。用口腸腹。

天樞牛傷文獸騰魚

牛傷鎮氣。天樞弭噎。文獸如蜂。枝尾反舌。騰魚  
青班。處于達穴。

帝休



帝休之樹，厥枝交對。竦本少室，曾陰雲霽。君子服之，匪怒伊愛。

泰室

嵩維岳宗，華岱恒衡。氣通天漢，神洞幽明。巍然中立，衆山之英。天漢一作元漢

栢木

爰有嘉樹，厥名曰栢。薄言采之，窈窕是服。君子維歡，家無反目。

萑草



蔞草赤莖、實如蓂莢、食之、益智、忽不自覺、殆齊  
生知功奇於學、

鵲鳥

鵲之爲鳥、同羣相爲、畸類被侵、雖死不避毛飾  
武士、兼厲以義、

鳴蛇化蛇

鳴化二蛇、同類異狀、拂翼俱遊、騰波漂浪、見則  
竝災、或淫或亢、

赤銅



昆吾之山、名銅所在、切玉如泥、火炙有彩、尸子

所歎、驗之彼宰、

彼一作汲

### 神熏池

泰逢虎尾、武羅人面、熏池之神、厥狀不見、爰有  
美玉、河林如蓍、

### 神武羅

有神武羅、細腰白齒、聲如鳴珮、以鑠貫耳、司帝  
密都、是宜女子

### 鵲鳥



鴈鳥似鳬、翠羽朱目、旣麗其形、亦奇其肉、婦女  
是食、子孫繁育、

荀草

荀草赤實、厥狀如菅、婦人服之、練色、易顏、夏姬  
是豔、厥媚三遷、

馬腹獸飛魚

馬腹之物、人面似虎、飛魚如豚、赤文無羽、食之  
辟兵、不畏雷鼓、

神泰逢



神號泰逢，好遊山陽，濯足九州，出入流光，天氣是動，孔甲逃惶。

薊栢

薊栢白華，厥子如丹，實肥變氣，食之忘寒，物隨所染，墨子所歎。

橘櫟

厥苞橘櫟，奇者維甘，朱實金鮮，葉蒨翠藍，靈均、是詠以爲美談。

猿



大隗之山、爰有苹草、青華、白實、食之、無夭、雖不、  
增齡、可以窮老、

鮫魚

魚之別屬、厥號曰鮫、珠皮毒尾、匪鱗匪毛、可以  
錯角、兼飾劒刀、

鵩鳥

鵩維毒魁、鵩鳥是噉、拂翼鳴林、草瘁木慘、羽行、  
隱、戮、厥、罰、難、犯、



椒之灌植。實繁有倫。拂穎霑霜。朱實芬辛。服之  
不已。洞見通神。倫一本作榛

神蟲圍計蒙涉蟲

涉蟲三腳。蟲圍虎爪。計蒙龍首。獨稟異表。升降  
風雨。茫茫渺渺。

岷山

岷山之精。上絡東井。始出一勺。終致祿冥。作紀  
南夏天清地靜。

夔牛



西南巨牛、出自江岷、體若垂雲、肉盈千鈞、雖有、  
逸力、難以揮輪、

崓山

邛崓峻嶮、其坂九折、王陽逡巡、王尊逞節、殷有、  
三仁、漢稱二哲、

狔狼雍和獼獸

狔狼之出、兵不外擊、雍和作恐、獼乃流疫、同惡、  
殊災、氣各有適、



寓屬之才。莫過于雌。兩則自懸。塞鼻以尾。厥形雖隨。列象宗彝。

熊穴

熊山有穴。神人是出。與彼石鼓。象殊應一。祥雖先見。厥事非吉。

跂踵

青耕禦疫。跂踵降災。物之相反。各以氣來。見則民咨。實爲病媒。

蛟



匪蛇匪龍，鱗彩炳煥。騰躍波濤，蜿蜒江漢。漢武  
飲羽，飛飲疊斷。

神耕父

清泠之水，在乎山頂。耕父是游，流光灑景。黔首  
祀崇，以弭災眚。

九鐘

嶢崩涇竭，麟鬪日薄。九鐘將鳴，凌霜乃落。氣之  
相應，觸感而作。

嬰勺



支離之山有鳥似鵲白身赤眼厥尾如勺維彼  
有斗不可以酌

獐

有獸虎爪厥號曰獐好自跳撲鼓甲振奮若食  
其肉不覺風迅

帝臺漿

帝臺之水飲蠲心病靈府是滌和神養性食可  
逍遙濯髮浴泳

狙如



狙如微蟲，厥體無害，見則興師，兩陣交會，物之所感焉，有大小。

帝女桑

爰有洪桑，生濱淪潭，厥圍五丈，枝相交參，園客是採，帝女所蠶。

梁渠移卽聞麟獸駢鯨鳥

梁渠致兵，移卽起災，駢鯨辟火，物各有能，聞麟之見，大風乃來。

神于皐



于兒如人、蛇頭有兩、常遊江淵、見于洞廣乍潛、  
乍出、神光惚恍、

神二女

神之二女、爰宅洞庭、游化五江、惚恍窈冥、號曰  
夫人、是維湘靈、

飛蛇

騰蛇配龍、因霧而躍、雖欲登天、雲罷陸莫、村非  
所任、難以久託、

海外南經圖讚



自此山來蟲爲蛇蛇號爲魚

賤無定貢。貴無常珍。物不自物。自物由人。萬事皆然。豈伊蛇鱗。

羽民國

鳥喙長頰羽生則卵。矯翼而翔。龍飛不遠。人維倮屬。何狀之反。

神人二八

羽民之東有神司夜二八連臂。自相羈駕。晝隱宵出。詭時淪化。



謹頭國

謹國鳥喙行則杖羽潛于海濱維食杞柎實維  
嘉穀所謂濡黍

厭火國

有人獸體厥狀怪譎吐絡炎精火隨氣烈推之  
無奇理有不熱

三珠樹

三珠所生素水之際翹葉栢竦美壯若曄濯彩  
丹波自相霞映



載國

不蠶不絲、不稼不穡、百獸率舞、羣鳥拊翼、是號  
載民、自然衣食

貫胸交脛支舌國

鑠金洪鑪、灑成萬品、造物無私、各任所稟、歸於  
曲成、是見兆朕、

不死國

有人爰處圓邱之上、赤泉駐年、神木養命、稟此  
遐齡、悠悠無竟、



鑿齒國

鑿齒人類，實有傑牙，猛越九嬰，害過長蛇，堯乃命羿，斃之，壽華。

三首國

雖云一氣，呼吸異道，觀則俱見，食則皆飽，物形自周，造化非巧。

焦僥國

羣籟舛吹，氣有萬殊，大人三丈，焦僥尺餘，混之一歸，此亦僑如。



長臂國

雙肱三尺體如中人彼曷爲者長臂之民修腳是負捕魚海濱

狄山帝堯葬于陽帝嚳葬于陰

聖德廣被物無不懷爰乃殂落封墓表哀異類  
猶然矧乃華黎

視肉

聚肉有眼而無腸胃與彼馬勃頗相髣髴奇在  
不盡食人薄味



南方祝融

祝融火神，雲駕龍驂，氣御朱明，正陽是含，作配炎帝，列位于南。

海外西經圖讚

夏后啓

笙御飛龍，果僂九代，雲融是揮，玉璜是佩，對揚帝德，稟天靈誨。

三身國一臂國

品物流行，以散混沌，增不爲多，減不爲損，厥變



難原請尋其本

奇肱國

妙哉工巧奇肱之人因風構思制爲飛輪凌顙  
遂軌帝湯是賓

形天

爭神不勝爲帝所戮遂厥形天臍口乳目仍揮  
于戚雖化不服

女祭女戚

彼姝者子誰氏二女曷爲水間操魚持俎厥儷



安在離羣逸處

鴛鳥鷓鳥

有鳥青黃號曰鷓鴣與妖會合所集會至類則  
梟鷃厥狀難媚

丈夫國

陰有偏化陽無產理丈夫之國王孟是始感靈  
所通桑石無子

女丑尸

十日竝燬女丑以斃暴于山阿揮袖自翳彼美



誰子逢天之厲

巫咸

羣有十巫，巫咸所統。經技是搜，術藝是綜。採藥  
靈山，隨時登降。

并封

龍過無頭，并封連載。物狀相乖，如驥分背。數得  
自通，尋之愈闕。

女子國

簡狄有吞，姜嫄有履。女子之國，浴于黃水。乃娠



乃字、生男則死、

軒轅國

軒轅之人、承天之祐、冬不襲衣、夏不扇暑、猶氣  
之、和家爲彭祖、

乘黃

飛黃奇駿、乘之難老、掬角輕騰、忽若龍矯、實鑒  
有德、乃集厥阜、

滅蒙鳥大運山雄常樹

青質赤尾、號曰滅蒙、大運之山、百仞三重、雄常



之樹、應德而通、

龍魚

龍魚一角、似狸處陵、俟時而出、神聖攸乘、飛驚九域、乘雲上昇、

西方蓐收

蓐收金神、白毛虎爪、珥蛇執鉞、專司無道立號西阿、恭行天討、

海外北經圖讚

無臂國



萬物相傳。非子則根。無腎因心。構肉生魂。所以能然。尊形者存。

燭龍

天缺西北。龍銜火精。氣爲寒暑。眼作昏明。身長千里。可謂至神。

一目國

蒼四不多。此一不少。子野冥瞽。洞見無表。形遊逆旅。所貴維眇。

柔利國



柔利之人、曲腳反肘、子求之容、方此無醜、所貴者神、形於何有、

共工臣相柳

共工之臣、號曰相柳、稟此奇表、蛇身九首、恃力桀暴、終禽夏后、

深目國

深目類胡但、絕縮、軒轅道降、欵塞歸服、穿胸長腳、同會異族、

聶耳國



聶耳之國、海渚是縣、雕虎斯使、奇物畢見、形有相須、手不離面、

### 夸父

神哉夸父、難以理尋、傾沙逐日、遯形鄧林、觸類而化、應無常心、

### 尋木

眇眇尋木、生于河邊、疎枝千里、上干雲天、垂陰四極、下蓋虞淵、

### 跂踵國



厥形雖大、斯腳則企、跳步雀、踴踵不闕、地應德而臻、欬塞歸義、

歐絲野

女子鮫人體近蠶、蚌出珠、匪甲吐絲、匪蛹化出、無方物豈有種、

無腸國

無腸之人、厥體維洞、心實靈府、餘則外用、得一自全、理無不共、

平邱



兩山之間、邱號曰平爰、有遺玉、駿馬維青、視肉  
甘華、奇果所生、

騊駼

騊駼野駿、產自北域、交頸相摩、分背翹陸、雖有  
孫陽、終不能服、

北方禺彊

禺彊水神、面色黧黑、乘龍踐蛇、凌雲附一  
玄冥、立于北極、

海外東經圖讚



君子國

東方氣仁。國有君子。薰華是食。雕虎是使。雅好  
禮讓。禮委論理。

天吳

眈眈水伯。號曰谷神。八頭十尾。人面虎身。龍據  
兩川。威無不震。

九尾狐

青邱奇獸。九尾之狐。有道翔見。出則銜書。作瑞  
周文。以標靈符。



豎亥

禹命豎亥。青邱之北。東盡太遠。西窮邠國。步履。宇宙。以明靈德。

十日

十日竝出。草木焦枯。羿乃控弦。仰落陽烏。可謂洞感天人懸符。

毛民國

牢悲海鳥。西子駭麋。或貴穴僂。或尊裳衣。物我相傾。孰了是非。



黑齒國雨師妾立股國勞民國

陽谷之山國號黑齒雨師之妾以蛇掛耳立股  
食軀勞民黑趾

東方勾芒

有神人面身鳥素服銜帝之命錫齡秦穆皇天  
無親行善有福

海內南經圖讚

梟陽

鬚鬚怪獸被髮操竹獲人則笑唇蔽其目終亦



號咷反爲我戮。

徃徃

徃徃之狀形乍如犬厥性識徃爲物警辨以酒招災自始纓胃

夏后啓臣孟涂

孟涂司巴聽訟是非厥理有曲血乃見衣所請靈斷嗚呼神微

建木

爰有建木黃實紫柯皮如蛇纓葉有素羅絕蔭



弱水。義人則過。

氏人

炎帝之苗實生氏人死則復蘇厥身爲鱗雲南  
是託浮游天津

巴蛇

象實巨獸有蛇吞之越出其骨三年爲期厥大  
何如屈牛是疑

海內西經圖讚

貳負臣危



漢擊磐石。其中則危劉生。是識羣臣莫知。可謂  
博物山海乃奇。

流黃鄆氏國。城圍三百。連河北棟。動是塵昏。烝氣霧重。焉得  
遊之。以遨以縱。

大澤方百里

地號積羽厥方百里。羣鳥雲集。鼓翅雷起。穆王  
旋軫。爰榮駮耳。

流沙



天限內外。分以流沙。經帶西極。頽漭委蛇。注于黑水。永溺餘波。

木禾

崑崙之陽。鴻鷺之阿。爰有嘉穀。號曰木禾。匪植匪藝。自然靈播。

開明

開明天獸。稟茲食精。虎身人面。表此桀形。瞪視崑山。威懾百靈。

文王玕琪樹



文玉玕琪方以類叢翠葉猗萎丹柯玲瓏玉光  
爭煥彩豔火龍

不死樹

萬物暫見人生如寄不死之樹壽蔽天地請藥  
西姥烏得如羿

甘水聖木

醴泉睿木養齡盡性增氣之和祛神之冥何必  
生知然後爲聖

窳窳



冥厥無罪，見害貳負，帝命羣巫，操藥夾守，遂淪  
溺淵，變爲龍首。

服常琅玕樹

服常琅玕，崑山奇樹，丹實珠離，綠葉碧布，三頭  
是伺，遞望遞顧。

海內井經圖讚

吉良

金精朱鬣，龍行駿時，拾節鴻驚，塵不及起，是謂  
吉黃，釋聖牖里。



蛇巫山鬼神蚺大羣帝臺大蜂朱蛾

蛇巫之山有人操杯鬼神蚺大主爲妖災大蜂  
朱蛾羣帝之臺

闕非據比尸秣戎

人面獸身是謂闕非被髮折頸據比之尸戎三  
其角秣豎其眉

騶虞

怪獸五彩尾叅於身矯足千里儵忽若神是謂  
騶虞詩歎其仁



水夷

稟華之精，練食石八，乘龍隱淪，往來海若，是謂水仙，號曰河伯。

王子夜尸

子夜之尸，體分成七，離不爲疏，合不爲密，苟以神御，形歸於一。

宵明燭光

水有佳人，宵明燭光，流耀河湄，稟此奇祥。維舜二女，別處一方。



列姑射山大蟹陵魚

姑射之山，寔栖神人，大蟹千里，亦有陵鱗，曠哉  
溟海，含怪藏珍，

蓬萊山

蓬萊之山，玉碧構林，金臺雲館，皜哉獸禽，實維  
靈府，玉主甘心，

海內東經圖讚

郁州

南極之山，越處東海，不行而至，不動而收，維神



所運物無常在

韓鴈始鳩雷澤神瑯瑯臺

韓鴈始鳩在海之州雷澤之神鼓腹優游瑯瑯  
嶠嶠邈若雲樓

豎沙居繇埠端璽喚國

豎沙居繇埠端璽喚沙漠之鄉絕地之館或羈  
于秦或賓于漢

大江北江南江浙江廬淮湘漢濛溫潁汝

涇渭白沅潁泗鬱肄潢洛汾沁濟潦虢沱



漳水

川瀆交錯。渙瀾流帶。通潛潤下。經營華外。殊出

同歸。混之東會。

交一作綺

補遺

封豕

有物貪婪。號曰封豕。薦食無厭。肆其殘毀。羿乃  
飲羽。獻帝效伎。

鼯鼠

鼯之爲鼠。食烟棲林。載飛載乳。乍獸乍禽。皮籍



孕婦人爲大任

弱水

弱出崑山鴻毛是沉井淪流沙南映火林惟水  
之奇莫測其深

都廣之野

都廣之野珍恠所聚爰有羔穀鸞歌鳳舞后稷  
託終樂哉斯土

猩猩

能言之獸是謂猩猩厥狀似猴號音若嚶自然



知往頗測物情

若木

若生之木崑山是濱朱華電照碧葉玉津食之  
靈知爲力爲神

翡翠

翠雀麋鳥越在南海羽不供用肉不足宰懷璧  
其罪賈害以采

欵冬

吹萬不同陽煦陰蒸欵冬之生擢穎堅冰物休



所安焉知渙凝

鬼草

焉得鬼草是樹是蕝服之不憂樂天儀世如波  
滾舟任波流滯

蟒蛇

蠢蠢萬生咸以類長惟蛇之君是謂巨蟒小則  
數尋大或百丈

枳首蛇

夔稱一足蛇則二首少不知無多不覺有雖資



天然無異駢拇

鰼魚

鰼之爲狀，半鳥半鱗，形如雞鯉，食之已疣。

飛魚

飛魚如豚，赤文無羽，服之不雷，可以禦兵。

焦堯

焦堯極麼，靖人唯小，四體具足，鬚眉才了。

釋天地圖讚

祭地肆瘞，郊天致煙，氣升太一，精淪九泉，至敬



不文、明德惟鮮

星圖讚

茫茫地理、粲爛天文、四靈垂象、萬類羣分、眇觀六沴、咎徵惟君、

炎山讚

木含陽氣、精構則燃、焚之無盡、是生火山、理見乎微、其妙在傳、

筆讚

上古結繩、易以書契、經緯天地、錯綜羣菴、日用



不知功蓋萬世

龜讚

天生神物，十朋之龜。或游于八，或游于著。雖云類殊，象二一歸。亶亶致用，極數盡幾。

蚌讚

萬物變蛻，其理無方。雀雉之化，含珠懷璫。與月盈虧，協氣晦望。

蟬讚

蟲之精絜，可貴惟蟬。潛蛻棄歲，飲露恒鮮。萬物



皆化人胡不然

螢火讚

熠熠宵行蟲之微么出自腐草烟若散漂物之  
相煦孰知其陶

茱萸讚

車前之草別名茱萸王會之云其實如李名之  
相亂在乎疑似

杜若

靡蕪善草亂之地牀不隕其實自別以芳佞人



似智巧言如簧

芙蓉

芙蓉麗草一日澤芝泛葉雲布映波赧熙伯陽  
是食饗比靈期。

麻

草皮之良莫貴於麻用無不給服無不加至物  
在邇求之好遐。

珪

玉作五瑞。辯章有國。君子鳴佩亦以表德。永觀



厥祭時惟文則

尺蠖

貴有可賤。賤有可珍。嗟茲尺蠖。體此屈伸。論配  
龍蛇。見歎聖人。

菊

菊名白精。布華立月。仙客薄采。何憂華髮。

萍

萍之在水。猶卉植地。靡見其布。漠爾鱗被。物無  
常託。孰知所寄。



卷施

卷施之草拔心不死屈平嘉之諷詠以比取類  
雖邇興有遠旨

螳螂

螳螂飛蟲揮斧奮臂當轍不迴可踐可避勇士  
致斃厲之以義

麟

麟惟靈獸與麋同體智在隱蹤仁表不抵孰爲  
來哉宣尼揮涕



比肩獸

歷與距虛乍兔乍鼠長短相濟彼我俱舉有若  
自然曰心其脅。

鼎

九牧貢金鼎出夏后和味養賢以無化有赫赫  
三事鑒于覆簋。

金銀讚

惟金三品揚越作貢五材之珍是謂國用務經  
軍農爰及雕弄。



柚

厥苞橘柚，精者曰甘實。染繁霜，菜鮮翠，藍屈生。嘉歎以爲美談。

梧桐

桐實嘉木，鳳凰所棲。爰伐琴瑟，八音克諧。歌以永言，雍雍喈喈。

燕

燕燕于飛，瑞娥以卵。立玉爰發，聖敬日遠。商人，是頌詠之弦管。



馬

馬出明精。祖自天駟。十閒六種。各有名類。三才  
五御。驚駿異轡。

貔

書稱猛士。如虎如貔。蓋豹屬亦曰執夷。白狐  
之云自是而非。

鼪鼠

有鼠豹彩。厥號爲鼪。漢朝莫知。郎中能名。賞以  
未帛。雅業遂盛。



鼯鼠

小鼠曰鼯。實有螫毒。乃食郊牛。不恭是告。厥譴惟明。徵乎其覺。

鼯鼠

五能之鼠。技無所執。應氣而化。翻飛駕集。詩人歌之。無食我粒。







詩

贈溫嶠

人亦有言松竹有林及爾臭味異。苦同岑言以。  
忘得交以淡成。同匪伊和。惟我與生爾神余契。  
我懷子情攜手一豁安知塵冥。

遊仙詩十四首

京華游俠窟。山林隱遯棲。朱門何足榮。未若託  
蓬萊。臨源挹清波。陵岡掇丹雘。靈谿可潛盤。安  
事登雲梯。漆園有傲吏。萊氏有逸妻。進則保龍



見退爲觸藩，羝高蹈風塵外。長揖謝夷齊。

青溪千餘仞，中有一道士。雲生梁棟間，風出窗

戶裏。借問此何誰，云是鬼谷子。翹迹企潁陽，臨

河思洗耳。聞闔西南來，潛波渙鱗起。靈妃顧我

笑，粲然啓玉齒。蹇修時不存，要之將誰使。

翡翠戲蘭苕，容色更相鮮。綠蘿結高林，蒙籠蓋

一山。中有冥寂士，靜嘯撫清絃。放情凌霄外，嚼

蘂挹飛泉。赤松林上游，駕鴻乘紫煙。左挹浮丘

袖，右拍洪崖肩。借問蜉蝣輩，甯知龜鶴年。



六龍安可頓。運流有代謝。時變感人思。已秋復  
願夏。淮海變微禽。吾生獨不化。雖欲騰丹谿。雲  
螭非我駕。愧無魯陽德。迴日向三舍。臨川哀年  
邁。撫心獨悲吒。

逸翮思拂霄。迅足羨遠遊。清源無增瀾。安得運  
吞舟。珪璋雖特達。明月難闇投。潛穎怨清陽。陵  
茗哀素秋。悲來惻丹心。零淚緣纓流。

維縣寓魯門。風暖將爲災。吞舟涌海底。高浪駕  
蓬萊。神僊排雲出。但見金銀臺。陵陽挹丹溜。容



成揮玉杯，姮娥揚妙音，洪崖領其頤，升降隨長  
煙飄颻，戲九垓，奇齡邁五龍，千歲方嬰孩，燕昭  
無靈氣，漢武非仙才。

晦朔如循環，月盈已復魄，蓐收清西陸，朱羲將  
由白，寒露拂陵苕，女蘿辭松柏，薜榮不終朝，蜉  
蝥豈見夕，圓邱有奇草，鐘山出靈液，王孫列八  
珍，安期鍊五石，長揖當途人，去來山林客，  
暘谷吐靈曜，扶桑森千丈，朱霞升東山，朝日何  
晃朗，迴風流曲櫺，幽室發逸響，悠然心永懷，眇



爾自遐想仰思舉雲翼延首矯玉掌嘯傲遺世  
羅縱情任獨往明道雖若昧其中有妙象希賢  
宜勵德羨魚當結網

採藥遊名山將以救年頽呼吸玉滋液妙氣盈  
胸懷登仙撫龍駟迅駕乘奔雷鱗裳逐電曜雲  
蓋隨風迴手頓羲和轡足蹈閭闔開東海猶蹄  
涔崑崙若蟻堆遐邈冥茫中俯視令人哀  
璇臺冠崑嶺西海濱招搖瓊林籠藻映碧樹疏  
英翹丹泉漂朱沫黑水鼓玄濤尋仙萬餘日今



乃見子喬振髮晞翠霞、解褐被絳綃、總轡臨少、  
廣盤虬舞雲、輶永偕帝鄉侶、千齡共逍遙、  
登嶽採五芝、涉澗將六草、散髮蕩玄溜、終年不  
華皓、

四瀆流如淚、五嶽羅若垤、尋我青雲友、永與時  
人絕、

靜歎亦何念、悲此妙齡逝、在世無千月、命如秋、  
葉、蒂、蘭、生、蓬、色、間、榮、曜、常、幽、翳、

縱酒濛汜濱、結駕尋木末、翹手攀金梯、飛步登



玉闕左顧擁方目、右眷極朱髮、

贈潘尼

杞梓生南荆、奇才應世出、擢穎蓋漢陽、鴻聲駭  
皇室、遂應四科運、朱衣耀玉質、

春

青陽暢和氣、谷風穆以溫、英萏曄林薈、昆蟲咸  
啓門、高臺臨迅流、四座列王孫、羽蓋停雲陰、翠  
鬱映玉樽、

夏



義和騁丹衢、朱明赫其猛、融風拂晨霄、陽精一  
何問、問宇靜、無娛端坐愁、日永

別

君如秋日雲、妄似袞中煙、高下理自殊、一乖兩  
絕天。

題墓詩

非阜烈烈、巨海混混、壘壘三墳、唯母與昆、



本傳

郭璞字景純，河東聞喜人也。父瑗，尚書都令史，時尚書杜預有所增損，瑗多駁正之。以公方著稱，終於建平太守。璞好經術，博學有高才而訥於言論。辭賦爲中興之冠，好古文奇字，妙於陰陽算歷。有郭公者，客居河東，精於卜筮，璞從之受業。公以青囊中書九卷與之，繇是遂洞五行天文卜筮之術。攘災轉禍，通致無方。雖京房管輅不能過也。璞門人趙載嘗竊青囊書，未及讀



而爲火所焚。惠懷之際，河東先擾。璞筮之，投策而嘆曰：嗟乎！黔黎將湮於異類，桑梓其翦爲龍荒乎？於是潛結姻昵，及交遊數十家，欲避地東南。抵將軍趙固，會固所乘良馬死，固惜之不接。賓客璞至門，吏不爲通。璞曰：吾能活馬。吏驚入白固。固趨出曰：君能活吾馬乎？璞曰：得健夫二十人，皆持長竿，東行三十里，有邱林社廟者，便以竿打拍，當得一物，宜急持歸，得此馬活矣。固如其言，果得一物，似猴，持歸。此物見馬死，便



噓吸其鼻。頃之馬起。奮迅嘶鳴。食如常。不復見。  
向物固奇之。厚加資給。行至廬江。太守胡孟康。  
被丞相召爲軍諮祭酒。時江淮清晏。孟康安之。  
無心南渡。璞爲占曰。敗。康不之信。璞將促裝去。  
之。愛主人婢。無由而得。乃取小荳三斗。繞主人。  
宅散之。主人晨見赤衣人數千圍其家。就視則。  
滅。甚惡之。請璞爲卦。璞曰。君家不宜畜此婢。可。  
於東南二十里賣之。慎勿爭價。則此妖可除也。  
主人從之。璞陰令人賤買此婢。復爲符投于井。



中數千赤衣人皆反縛一一自投于井主人大  
悅璞攜婢去後數旬而廬江陷璞既過江宣城  
太守殷祐引爲叅軍時有物大如水牛灰色卑  
脚脚類象胸前尾上皆白大力而遲鈍來到城  
下衆咸異焉祐使人伏而取之令璞作卦遇遯  
之蠱其卦曰艮體連乾其物壯巨山潛之畜匪  
兇匪虎身與鬼并精見二午法當爲禽兩翼不  
許遂被一創還其本墅按卦名之是爲驢鼠卜  
適了伏者以戟刺之深尺餘遂去不復見郡網



紀上祠請殺之。巫云：「廟神不悅。」曰：「此是鄭亭驢山君鼠。」使詣荆山，暫來過我。不須觸之。其精妙如此。祐遷石頭督護，璞復隨之。時有鼯鼠出延陵，璞占之曰：「此郡東當有妖人欲稱制者。」尋亦自死矣。後當有妖樹生，然若瑞而非瑞。辛螫之木也。儻有此者，東南數百里，必有作逆者。期明年矣。無錫縣欵有茱萸四株，交枝而生，若連理者。其年盜殺吳興太守袁琇，或以問璞。璞曰：「卯爻發而沴金。此木不曲直而成災也。」王導深重



之引叅已軍事嘗令作卦璞言公有震厄可命  
駕西出數十里得一柏樹截斷如身長置常寢  
處災當可消矣導從其言數日果震柏樹粉碎  
時元帝初鎮建鄴導令璞筮之遇咸之井璞曰  
東北郡縣有武名者當出鐸以著受命之符西  
南郡縣有陽名者井當沸其後晉陵武進縣人  
於田中得銅鐸五枚厯陽縣中井沸經日乃止  
及帝爲晉王又使璞筮遇豫之睽璞曰會稽當  
出鐘以告成功上有勒銘應在人家井泥中得



之鑑辭所謂先王以作樂崇德殷薦之上帝者也及帝卽位太興初會稽剡縣人果於井中得一鐘長七寸二分口徑四寸半上有古文奇書卡八字云會稽嶽命餘字時人莫識之璞曰蓋王者之作必有靈符塞天人心與神物合契然後可以言受命矣觀五鐸啓號於晉陵棧鐘告成於會稽瑞不失類出皆以方豈不偉哉若夫鐸發其響鐘徵其象器以數臻事以實應天人之際不可不察帝甚重之璞著江賦其辭甚



偉爲世所稱。後復作南郊賦。帝見而嘉之。以爲著作佐郎。于時陰陽錯繆。而刑獄繁興。璞上疏。優詔報之。其後日有黑氣。璞復上疏。頃之。遷尙書郎。數言便宜。多所匡益。明帝之在東宮。與溫嶠。庾亮。並有布衣之好。璞亦以才學見重。埒於嶠。亮。論者美之。然性輕易。不修威儀。嗜酒好色。時或過度。著作郎干寶常誡之曰。此非適性之道也。璞曰。吾所受有本。限用之。恒恐不得盡。卿乃憂酒色之爲患乎。璞旣好卜筮。縉紳多笑之。



又自以才高位甲，乃著客傲。永昌九年，皇孫生，璞疏請崇恩布澤，疏奏納焉。卽大赦改年。時暨陽人任谷因耕息於樹下，忽有一人著羽衣，就淫之。旣而不知所在，谷遂有娠。積月將產，羽衣人復來，以刀穿其陰，下出一蛇。子便去，谷遂成宦者。後詣闕上書，自云有道術。帝留谷于宮中。璞復上疏請出之。其後元帝崩，谷因亡。至璞以母憂去職，卜葬地於暨陽，去水百步許。人以近水爲言，璞曰：「當卽爲陸矣。」其後沙漲，去墓數十



里皆爲桑田。未碁，王敦起，璞爲記室參軍。是時  
潁川陳迹爲大將軍，掾有美名，爲敦所重。未幾  
而沒，璞哭之哀甚，呼曰：「嗣祖！嗣祖！」知非福。未  
幾而敦作難。時明帝卽位，踰年未改號，而災惑  
守房。璞時休歸，帝乃遣使齎手詔問璞，會暨陽  
縣復。上言曰：「赤烏見，璞乃上疏，請改年肆赦，文  
多不載。璞嘗爲人葬，帝微服往觀之，因問主人  
何以葬龍角，此法當滅族。」主人曰：「郭璞云：『此葬  
龍耳。』」不出三年，當致天子也。帝曰：「出天子耶？」答



日能致天子問耳。帝甚異之。璞素與桓彝友善。彝每造之。或值璞在婦間。便入。璞曰：「卿來他處。自可徑前。但不可廁上相尋耳。」必客主有殃。彝後因醉詣璞。正逢在廁。掩而觀之。見璞裸身。被髮。啣刀。設醢。璞見彝撫心大驚曰：「吾每屬卿。勿來反。更如是。非但禍吾卿。亦不免矣。」天實爲之。將以誰咎。璞終嬰王敦之禍。彝亦死蘇峻之難。王敦之謀逆也。溫嶠庾亮使璞筮之。璞對不決。嶠亮復合占。已之吉凶。璞曰：「大吉。」嶠等退相謂。



曰璞對不了是不敢有言。或天奪敦魄。今吾等與國家共舉大事。而璞云大吉。是爲舉事。有姓崇者。構璞於敦。敦將舉兵。又使璞筮。璞曰無成。敦固疑璞之勸。嶠亮又聞卦凶。乃問璞曰。卿更筮吾壽幾何。答曰。思向卦。明公起事。禍必不久。若住武昌。壽不可測。敦大怒曰。卿壽幾何。曰。命盡。今日日中。敦怒收璞詣南崗斬之。璞臨出。謂行刑者欲何之。曰。南崗頭。璞曰。必在雙柏樹下。旣至。果然。復云。此樹應有大鵲巢。衆索之。不得。



璞更令尋覓果於枝間得一大鵲巢密葉蔽之  
初璞中興初行經越城間遇一人呼其姓名因  
以袴褶遺之其人辭不受璞曰但取後當自知  
其人遂受而去至是果此人行刑時年四十九  
及王敦平追贈弘農太守初庾翼幼時嘗令璞  
筮公家及身卦成曰建元之末邱山傾長順之  
初子凋零及康帝卽位將改元爲建元或謂庾  
冰曰子忘郭生之言邪邱山上名此號不宜用  
冰撫心歎恨及帝崩何充改元爲永和庾翼歎



曰、天、道、精、微、乃、當、如、是、長、順、者、永、和、也、吾、庸、得、  
免、乎、其、年、翼、卒、冰、又、令、筮、其、後、嗣、卦、成、曰、卿、諸、  
子、並、當、貴、盛、然、有、白、龍、者、凶、徵、至、矣、若、墓、碑、生、  
金、庾、氏、之、大、忌、也、後、冰、子、蘊、爲、廣、州、刺、史、妾、房、  
內、忽、有、一、新、生、白、狗、子、莫、知、所、由、來、其、妾、秘、愛、  
之、不、令、蘊、知、狗、轉、長、大、蘊、入、見、狗、眉、眼、分、明、又、  
身、至、長、而、弱、異、於、常、狗、蘊、甚、怪、之、將、出、其、視、在、  
衆、人、前、忽、失、所、在、蘊、慨、然、曰、殆、白、龍、乎、庾、氏、禍、  
至、矣、又、墓、碑、生、金、俄、而、爲、桓、溫、所、滅、終、如、其、言、



璞之占驗皆此類也。璞撰前後筮驗六十餘事，名爲洞林。又鈔京費諸家要最，更撰新林十篇。卜韻一篇，注釋爾雅，別爲音義圖譜，又註三蒼方言、穆天子傳、山海經及楚辭、子虛上林賦數十萬言，皆傳於世。所作詩賦詠頌亦數萬言。子鵞官至臨賀太守。

史臣曰：景純篤志綿緗，洽聞彊記。在異書而畢綜，瞻往滯而成釋。情源秀逸，思業高奇。襲文雅於西朝，振辭鋒於南夏，爲中興才學之宗矣。夫



語怪徵神。伎成則賤。前修貽訓。鄙乎茲道。景純  
之探策定數。考往知來。邁京管於前圖。軼梓潼  
於遐篆。而官微於世。禮薄於時。區區然寄客傲  
以申懷。斯亦伎成之累也。若乃大塊流形。玄天  
賦命。吉凶脩短。定乎自然。雖稽象或通。而厭勝  
難恃。稟之有在。必也無差。自可居常待終。頽心  
委運。何至銜刀被髮。遑遑於幽穢之間哉。晚抗  
忠言。無救王敦之逆。初慙智免。竟斃山宗之謀。

悲夫。



贊曰景純通秀夙振宏材沉研易冊洞曉龜枚  
匪甯國釁坐致身災

晉郭弘農集卷二終



郭弘農集

卷二

作

五







